



Në bazë të nenit 15 paragrafi 2.1 dhe në përputhje me nenin 26 dhe 27 të Statutit të Federatës së Pingpongut të Kosovës, Kuvendi i Federatës së Pingpongut, në mbledhjen e mbajtur me datën 22/09/2022 miratoi këtë

RREGULLORE PER ZGJEDHJEN E LAUREATEVE TE VITIT

I. DISPOZITAT E PËRGJITHSHME

Neni 1

Zgjedhja e pingpongistëve më të mirë, klubit të pingpongut, trajnerit, gjyqtarit dhe punëtorit sportiv (në tekstin e mëtutjeshëm, më të mirët) në Federatën e Pingpongut të Kosovës paraqet një nga mirënjohjet publike për rezultatet e arritura dhe kontributin e dhënë në afirmimin e pingpongut si në garat kombëtare dhe ato ndërkombëtare.

Neni 2

Zgjedhjes së më të mirëve i paraprinë baza e rezultateve të arritura në arenën kombëtare dhe ndërkombëtare .

Për të përcaktuar më lehtë rezultatet e arritura dhe zgjedhjen e më të mirëve, rezultatet garuese do ti paraqesim me numra, në harmoni me dispozitat e kësaj Rregulloreje.

Neni 3

Për të zhvilluar procedurën e zgjedhjes së më të mirëve nëpër kategori të ndryshme duhet paraqitur nga Klubet së paku 3-5 individ në kategorinë e femrave apo meshkujve për të gjitha grupmoshat për të cilat Bordi Ekzekutiv bën njoftimin.

Në rast të mos paraqitjes të numrit minimal të propozimeve të përcaktuar në paragrafin e mësipërm Komisioni për nominime vendos edhe për kandidatin e propozuar apo kandidatët e propozuar nëse janë dy duke marrë për bazë edhe të dhënave të grumbulluara nga Sekretari i Përgjithshëm.

Neni 4

Për zgjedhjen e më të mirëve vlerësohen rezultatet e arritura në garat zyrtare të organizuara nga Federata në vendin tonë si dhe ato të organizuara nga Federata botërore, Unioni Evropian, Mediteran dhe Ballkanik.

Evidenca e rezultateve nga garat kombëtare dhe ndërkombëtare mbahet nga Sekretari i Përgjithshëm.

Neni 5

Zgjedhja e pingpongistëve, ekipit dhe klubit të Pingpongut më të mirë bëhet në konkurrencën e meshkujve dhe femrave për të gjitha kategoritë e grupmoshave për të cilat FPPK organizon gara dhe Bordi Ekzekutiv kërkon nga Komisioni përkatës vlerësimet për më të mirët.

Neni 6

Kandidimin për zgjedhjen e më të mirëve mund ta bëjnë Klubet, Komiteti i trajnerëve, Komiteti i Gjyqtarëve të cilat janë anëtare fuqiplota në FPPK.

Klubet dhe Komitetet mund të japin vetëm nga një propozim për individin apo ekipin për secilën konkurrencë (M-F) dhe kategori.

Klubet apo Komitetet nëse nuk kanë përmbushur obligimet eventuale ndaj Federatës si dhe në rastin kur Klubi - kandidati i propozuar ka masa disiplinore të shqiptuara që ende është në fuqi nuk mund të kandidojnë përfaqësuesit e vet për zgjedhjen e më të mirëve.

II. KRITERET PER ZGJEDHJEN E MË TË MIRËVE PËR VITIN E KALUAR GARUES

Neni 7

Në procedurën e zgjedhjes së më të mirëve, zbatohen këto kriterë :

- rezultatet e Klubit nga Kampionati ekipor i Kosovës,
- rezultatet nga Kupa e Kosovës,
- rezultatet nga Liga Dardania,
- rezultatet nga Takimet mediterane, si dhe
- rezultatet nga ndonjë garë tjetër ndërkombëtare

Në rast të pikëve të barabarta të klubeve përparësi i ipet klubit që ka rezultat më të mirë në takimet mes veti

Për Trajner merren rezultatet e Klubit dhe ato individuale të pingpongistit, për gjyqtar merren vlerësimet që i janë bërë nga Komiteti i Gjyqtarëve dhe vlerësimet nga pjesëmarrja eventuale në garat ndërkombëtare, ndërsa për punëtorin sportiv merret i gjithë kontributi i tij në FPPK.

Neni 8

Vlerësimi i pikëve për Klube bëhet varësisht nga niveli i pjesëmarrjes dhe rëndësia e garave.

Neni 9

Për Kampionatin ekipor të Kosovës dhe Ligën Dardania vlerësimi është i këtillë :

Vendi I = 100 pikë,

Vendi i II = 75 pikë

Vendi i III = 50 pikë

Për Garat Mediterane vlerësimi është i këtillë :

Vendi I = 200 pikë,

Vendi i II = 100 pikë

Vendi i III = 50 pikë

Për Kupën e Kosovës vlerësimi është i këtillë :

Vendi I = 50 pikë,

Vendi i II = 30 pikë

Vendi i III = 15 pikë

Neni 10

Neni 12

Vlerësimi i Pingpongistit më të mirë në garat individuale bëhet varësisht nga niveli i pjesëmarrjes dhe rëndësia e garave.

Neni 13

Për renditjen e pingpongistit në Ranglistën e Kosovës vlerësimi është i këtillë :

Vendi I = 100 pikë

Vendi i II = 75 pikë

Vendi i III = 50 pikë

Për pjesëmarrjen e lojtarit në Kampionatin botëror (ITTF), Kampionatin Evropian(ETTU), Garat Mediterane (MTTU), Kampionatin Ballkanik (BTTU) apo Turnet e hapur si dhe për fitoret eventuale qoftë në garat individuale apo në ato ekipore merren këto pikë:

ITTF

- pjesëmarrja = 30 pikë

- 1(një) fitore = 10 pikë.

ETTU

- pjesëmarrja = 20 pikë

- 1(një) fitore = 8 pikë.

MTTU

- pjesëmarrja = 10 pikë

- 1(një) fitore = 7 pikë.

BTTU

- pjesëmarrja = 10 pikë

- 1(një) fitore = 5 pikë.

LOJERA EVROPIANE

- pjesëmarrja = 50 pikë

- 1(një) fitore = 30 pikë.

LOJERA OLIMPIKE

- pjesëmarrja = 100 pikë
- 1(një) fitore = 50 pikë.

Turne i hapur ndërkombëtar ku marin pjesë së paku sportistë nga katër shtete dhe ku numri total i pjesëmarrësve në një kategori është më i madh se 12 sportistë për kategorinë përkatëse:

- pjesëmarrja = 5 pikë
- 1(një) fitore = 3 pikë.

III. DISPOZITAT PËRFUNDIMTARE

Neni 14

Vlerësimin e rezultateve të kandidatëve për zgjedhjen e më të mirëve sipas kategorive, në konkurrencën e meshkujve dhe femrave në të dhënave të besueshme e bën Komisioni për nominime i përbërë nga tre (3) anëtarë, të cilin e emëron Bordi i FPPK-së. Në rast eventual te propozimit për kandidat për nominim të anëtarit të komisionit, kandidati i propozuar humb të drejtën e votës dhe nuk merr pjese në pozitën e propozuar për nominim.

Neni 15

Vendimin mbi shpalljen e më të mirëve e nxjerr Bordi i FPPK-së.

Neni 16

Shpërblimet të cilat ndahen në solemnitet me rastin e shpalljes së më të mirëve për vitin e kaluar garues i siguron FPPK.
Shpërblimet e ndara ekskluzivisht kanë karakter sportiv.

Neni 17

Nxjerrja e Rregullores si dhe ndryshimet e plotësimet bëhen nga Kuvendi i FPPK-së.

Neni 18

Rregullorja nuk mund të ndryshohet 180 ditë para shpalljes së më të mirëve.
Interpretimin e dispozitave të kësaj rregulloreje e bën Bordi i FPPK-së.

Neni 19

Kjo Rregullore hyn në fuqi ditën 7 ditë pas nënshkrimit dhe publikimit në uebfaen zyrtare dhe fillon të zbatohet nga janari i vitit 2023



Kryetari i FPPK-së

Jeton Beqiri

22.09.2022